





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 71 4° (LN 636 4° copy 1)





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 71 4° (LN 636 4° copy 1)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 71 4° (LN 636 4° copy 1)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 71 4° (LN 636 4° copy 1)

i. g. 7. Oct. 69. Rip:
f. g. 5 May. 70. Rip:

N^o 71.



M. Tindberg fecit

= L N 636
ex. 1 M



Vespere jam venit: nobiscum, Chriſte, maneto,
Extingui lucem ne patiere tuam.
Rip: d: 6 Maj: 70.

57X

Terra Dei est, & ubiq: sumus sup: tegmine coeli,
Defuncti & vivi, Chriſte benigne, tui.

Trope est, virtutem dedidicisse datam.
Propert.

Deplicationes adversantur voluptatibus.
Cic: l. de fin.

ELEGIACVM
DE MORTE,
PASSIONE ET RESVRRE-
CTIONE DOMINI NOSTRI IESV

*Christi, Saluatoris mundi vnici, & re-
demptoris generis humani.*

IN HONOREM ORNATISSIMI
ET DOCTISSIMI VIRI, D: PETRI
SEVERINI Ripensis, Regiæ Maiestatis Archia-
tri fidelissimi, Philosophiæ ac Medicinæ Doctoris
facile primi, Dni: sui ac Mecænatis summa
obseruâtia colendi, gratitudinis ergò,

dedicatum à
PETRO FRANTZIO. F:
HAFNIENSE.



H A F N I A E
Apud Matthiam Vinitorem.
1 5 8 2.

AD D: PETRVM SE
VERINVM RIPENSEM,
FRIDERICI II. REGIS
Daniæ Archiatrum.



Lare vir Æonij celeberrima gloria cætus,
Qui pia Doctoris munia fidus obis.
Accipe quæ summi cecinit de morte tonan-
Pieris, ex sacris qualiacunq; libris. (tis

Carmina tant fateor non tanto digna patrono
Nam mihi de riuo paupere vena fluit.
Attamen haud malegrata tuis fore vultibus illa
Credo, faues studijs doctior ipse bonis.
Quando fertilior veniet mihi messis in herba,
Et potero ingenio nobiliore frui:
Tunc meliora dabo Musis Phœboq; iuuante,
Seruiet & laudi nostra Thalia tuæ.
Viue igitur studij Meccenas inclijte nostri,
Atq; boni versus consule quæso meos.
Non prius immites præcidant stamina Parcæ,
Nec rumpant vitæ languida fila tuæ.
Tempora quàm longæ videas tranquilla senectæ,
Exuperent Pyleos & tua fata dies.

P: F: F: H:



Vos quæ Parnassi colitis iuga summa sorores
Iucunda blandum dicite voce melos,
Casta Thalia veni vati da noscere colles
Musarum, et rauca plectra moueto lyræ.

Nam rigidam mortem Christi quæ dona salutis
Emeruit, breuiter nostra Thalia canet.
Ergò Christe precor, firmas in carmine vires
Suffice, ne ceptum destituatur iter.

Christus vt humanam pura de virgine massam
Suscepit lotus Iordanis inter aquas.
Cælestis patriæ non immemor, vndiq; sparsit
Æterni patris, dogmata grata, sui.
Prodigijs multis quæ confirmauit, & illis
Signis, quæ soli sunt facienda Deo.
Exutos vita superas reuocauit ad auras,
Et dedit infirmis viscera firma pijs.
Leprosos etiam lepra mundauit ab omni,
Restituit cæcis lumina clara viris.
Illi quæ species morborum cunq; fuere
Cesserunt, illo vita volente data est.
Impia se patuli docuit quod crimina mundi,
Tollere promissum munus ab axe poli.

A 2

Anno,

*Annorum postquam vitæ sex lustra repleuit,
Et fugienda monens & facienda docens.
Intrepidus claram Solymorum scandit ad urbem,
Discipuli bis sex pone sequuntur eum.
Ut pro peccatis mundi velut agnus in ara,
Extensæ fieret victima grata crucis.*

E*ST in conspectu declivis tramite collis,
Insignem fama pinguis oliua facit.
Desuper aduersas Solymorum conspicit arces,
Hunc iuxta celebri Betphaga læta situ.
Discipulis duci hîc tardum sibi mandat Asellum
Cum pullo, adductis mœnia celsa petit.
Obuia turba ruit regi veniente supremo,
Et resona Domino iubila voce canunt.
Pars ornare vias palmis, pars vestibus ardet,
Et quocunq; potest quisq; placere placet.
Impiger, intrepidus veniens, sacra limina templi
Ingreditur, populis dogmata viua docens.
Iussa facit patris turpes turbatq; trapezas,
Vendentes sancta pellit ab æde viros.
Ardua cum nitidi renouasset limina templi,
Non mora Bethaniæ tecta propinqua subit.*

Mane

Mane nouo, primo cum luxit margine Phæbus,
 Ad Solymas arces inde relegit iter.
 Post hæc innocuum semper gens turbida Christum,
 Tradere quærebat, proh dolor, ipsa neci.
 Et quamuis fuit in crimen tam prompta voluntas,
 Ipsi successum non habuere doli.
 Donec sponte pati pro mundo extrema volebat,
 Vt lueret letho crimina nostra suo.
 Siue quod æterno voluit parere parenti,
 Seu quod eum nostri sponte mouebat amor.
 Tempus erat quo certa Azymorum festa dierum,
 Iussit Iudæis pagina sacra coli.
 Et quoniam veteris Christus memor atq; futuri
 Paschatis, hunc voluit concelebrare diem.
 Mittit oliuarum binos de monte ministros,
 Qui cœnaturis nobile pascha parent.
 Continuo Domini mandata benigna capeffunt,
 Et Christo celeres hospita tecta parant. *parant*
 Hospes in aduentum Christi parat omnia letus,
 Apponit magna sedulitate dapes.
 Eligit innocuum teneris ab ouilibus agnum,
 Cui non in toto corpore menda fuit.
 Immolat: & verubus transfixum torret ad ignem,
 Cœnaq; conuiuas ritè parata capit.

A 3

His

*His praesens, traherent cum sera crepuscula noctem,
Sub iusto cænae tempore Christus adest.
Et cum bis senis celebrat pia festa benignus
Discipulis, omni post memoranda die.
Instructas longo circum stant ordine mensas,
Cum Domino capiunt fercula lauta suo.
Inde Sacramentum magno confirmat amore,
Christus amicitiae fœdera firma nouæ.
Dans cererem, corpus proprium: Sed sanguine vina
Comparat, & cyathis euacuanda suis.
Præterea, ut veri documenta relinquat amoris
Discipulis, manibus membra caduca lauat.
Temperat & curas, dictis & pectora mulcet,
Et de morte sua multa dolenda refert.
Primus ubi perijt liuore Draconis Adamus,
Et temerè donis excidit ipse suis.
Seuum de vetita decerpens arbore malum,
Emeruit natis, tristia fata, suis.
Verus honore Deus, membris homo purus, in horto
Incipit ex hominum Christus amore pati.
Flumina trans Cedron cum processisset Iesus,
Ardentes patri fundit ab ore preces.
Abba pater precor instantem da euadere mortem
Si placet, arbitrio stoq; cadoq; tuo.*

Interea

Interea Iudas tacitus seuissima Christo
Et recutitorum vincula turba parat.
Sistitur ante Hannam, Iudas dat basia ficta,
Et patitur duras hostis in ore manus.
Ast Hannam Caiphæ, Caiphæ misisse Pilato
Immiti Christum, pagina sacra docet.
Candida cum Christi lesisset membra dolores,
Sustinuit ligni pondera dura crucis.
Anxietate dolens, sic fatis ora resoluit,
Da veniam hæc, veri nescia turba, facit.
Iohanni matris commendat ducere curam,
Ne petat ob natum pressa dolore necem.
Dulcia sollicito dein fatur verba latroni,
Mox scandes mecum lucida regna poli.
His dictis clamans magno sermone ferebat;
Nostri clare parens immemor esse potes?
Occupat & linguam nostram & sitis arida fauces,
Dicta Prophetarum cuncta repleta scio.
Confestim inclinans caput hæc suprema parenti
Dicta refert: nostrum suscipe & νεῖμα precor.
Spiritus interea superas volitauit ad auras,
Clauditur hinc viridi triste cadauer humo.
Tertia lux aderat qua mundi Hyperione natus,
Lustrabat radio candidiore plagas.

Deletor

*Deletor vitij, torti victorq; Draconis,
 Extulit è putrido candida membra solo.
 Suscipit hunc regem magni lux aurea celi,
 Discipuli Dominum concelebrantq; suum.
 Desine propterea tristis malesane magistrum,
 Pectore sub dubio quærere Thoma tuum.
 Cedite qui Christum dubitatis ad æthera vectum,
 Victori potius vota precesq; date.*

A*D tua nunc supplex altaria Christe redemptor
 Conscendo, votis annue quæso meis.
 Errantes animos recto duc tramite, Regis
 Et regni curam suscipe summe Deus.
 Da tener vt viuat princeps pietatis amore,
 In patris & patrij spemq; decusq; soli.
 Et vigeat sancto florens Academia cultu:
 Da maneant studijs, tempora læta, bonis:
 Vt te perpetuò celebremus honore, tuisq;
 Pro donis grates grata Thalia ferat.*

Τεῖλον καὶ μόνον
 τῶν βιω δόξα

discordia res maxima dilatuntur.
fall.

vera gloria radices agit, atq' etiam propagatur.
Cic:

71.
Somnolentia pastorum est luporum gaudium.

A contestata majorum vertute non degenerandum.
Cic.

71.